

桐城龍溪
漢景帝

傷寒五法
二

傷寒五法卷三目錄

五法治例

咳嗽

咳逆

惡風

惡寒

身體痛

咽痛

筋惕肉瞤

無汗

自汗

口燥咽乾

發狂

寒熱往來

喘

渴

霍亂

譏語

下利

發黃

發斑

痞滿

結胸

煩躁

嘔吐

頭汗出

可水

嗽水

背惡寒

吐血

衄血

多眠

不眠

潮熱

不可汗

汗後惡寒

不可下

下後有熱

熱多寒少

乾嘔

不得汗

頭痛

腹脹

小便不利

臟結

傷寒六經用藥法

手六經

足六經

辨六經有表當汗有裏當下論

五法方藥總論

發表門

解肌門

和解門

攻裏門

救裏門

隨證應用雜方

傷寒五法卷之三

楚黃陳養晦先生著

海鹽石 楷臨初甫重訂

雲間夏之昇東步甫同較

五法治例

咳嗽

咳嗽出於肺。蓋皮毛者肺之合也。因寒侵皮毛致肺咳嗽。故言在表。若惡寒脊強。此太陽經咳嗽。宜發表。若脇痛往來寒熱。此少陽經咳嗽。宜小柴胡湯。此二者皆表證也。傳經裏證。則無咳嗽。惟直中陰經間有

咳嗽乃寒束於肺必下利清穀四肢厥逆外無表證方是直中咳嗽急用四逆湯溫之若水停心下亦令咳嗽必見水氣證候法當分表裏表有水咳而發熱用小青龍湯裏有水咳而身涼用十棗湯

咳逆

夫逆氣爲咳逆乃氣逆而不伸俗名呃逆者是也然有數證如脉來沉細者內有寒也必見有直中寒證用理中湯溫之若脉洪有力或便閉口渴此爲當下若失下則濁氣不下降反逆而衝上故似咳逆非真

咳逆也。宜下之。若往來寒熱而有咳逆，是邪將入裏，裏不納邪，故咳逆。屬少陽經，用小柴胡湯和之。至於久病見咳逆者，是真氣已散，死證不治。內經曰：弦斷者其聲嘶，木敗者其葉落，胃絕者其聲咳逆，故曰死證。

惡風

夫風邪侵於衛，則惡風。是太陽經傷風證，宜桂枝湯。蓋八方之風邪，皆傷衛而不傷榮，氣被邪侵，則腠理開而自汗，汗去則脈浮緩，故用桂枝實表解肌，自各

有例

惡寒

子厚曰惡寒發熱者爲陽無熱惡寒者爲陰下證悉具微惡寒者表未解也先解表而後攻裏

夫寒邪侵於榮則惡寒故惡寒卽是太陽經寒證宜麻黃湯若傳經卽屬熱則無惡寒直中陰經而惡寒急用四逆湯溫之故傳經陰證決無惡寒之理又有經汗吐下而惡寒者正氣虛也脉必微弱宜補氣血用真武湯亦有惡寒正表證脉當浮緊反尺寸俱微弱者是原本氣血虛弱先用黃芪建中扶助正氣然後發表名曰先補後攻

身體痛

夫有寒邪在表則血凝而不得周流故身痛假有熱
在內則血氣通暢豈有身痛之理故身痛卽是表證
必脉帶浮緊宜大發表凡身痛固是表證若脉反微
弱者此氣血本虛不可驟表先用黃芪建中湯補之
然後發表若傳裏證則無身痛惟直中陰經亦有身
痛但無頭痛發熱爲別耳輕則理中湯重則四逆湯
又陰毒身痛痛之極也則寒又甚於直中者數倍宜
急溫之以回陽氣用正陽甘草湯又有中濕身痛則

聲重鼻塞、一身盡痛、有風濕身痛、則身腫喜衣、不能轉側、此二證名曰類傷寒、故身痛不可槩治、須詳證以別之。

咽痛

子厚曰此少陰證也不可汗不可下用腎氣湯以滋其化源

夫咽者胃之路也、今咽痛知熱邪在裏、故爲裏證、然亦有數證、有陽毒咽痛、則口瘡赤爛、發狂吐血、宜陽毒升麻湯、有少陰傳經咽痛、必口燥煩渴、欲思水自救、及便閉諸證、內熱之極、必待外無一毫表證、方可用承氣湯、加甘桔下之、又有尺寸脈緊、當無汗、今反

汗出不止而咽痛者名曰亡陽咽痛此津液虛極而反生熱宜用朮附湯又有非時暴寒伏於少陰而有咽痛者此寒邪內急反干於上故令咽痛必見下利清穀四肢厥冷方用四逆湯若外無大寒證卽用桂甘湯又不可用四逆矣

筋惕肉瞤

夫人身筋肉賴血以養之若發汗太過則液枯而血少致筋肉空虛如魚失水故惕然動跳也急用真武湯以生榮氣或素有動氣則不可汗若誤汗之重虛

其虛亦成、筋肉震惕、或白朮牡蠣真武湯止之、然筋跳肉瞤、固屬虛、若惡寒、湯中去芍藥、增附子一倍、及惡熱者、湯中去附子、增芍藥一倍、恐其太燥故耳、

無汗

子厚曰：如連服湯劑而無汗者，用助汗法，使溫熱之氣于外迎之，無不得汗。

夫無汗正是表證、寒邪侵於表則無汗、蓋寒邪凝滯、則腠理閉塞、而無汗、宜用麻黃湯發表、以開泄之、使邪去血和、腠理自開通矣、然無汗固屬太陽傷寒證、又有他證、亦令無汗、宜詳別之、

自汗

夫自汗有數種大抵風傷衛則令自汗風性溫屬陽陽主動能開泄腠理故自汗必頭疼發熱方爲表證自汗宜用桂枝湯實表解肌若裏證自汗外無一毫表證乃熱邪傳裏薰蒸臟腑以致腠理開泄亦自汗宜用承氣湯下之又有風溫自汗者身多灼熱喘甚息粗者是也宜用葶薤湯若中暑自汗則灑然毛聳六脈虛弱宜用白虎湯益元散或誤發汗而汗出不止名曰亡陽或虛汗自出而不止亦名曰亡陽通用柴胡龍骨牡蠣湯及木附湯量證用之有柔痙自汗

則頸項強、角弓反張者是也。小續命湯去麻黃加桂枝。又有陽明腑病、內熱灼甚、口渴便閉而自汗者、用調胃承氣湯。若直中陰經、四肢厥冷、汗自出者、急投四逆湯。以上數證、宜細加詳別。

口燥咽乾

夫口燥咽乾、乃邪熱傳裏、燒耗津液、以致口燥咽乾。宜以三承氣湯選用下之。又有陽明腑病、口咽乾燥者、此陽熱內陷、必背惡寒、用白虎湯。若少陽口燥咽乾、乃邪傳半表半裏、未深入腑、將化爲熱、今口咽微

微乾燥必見往來寒熱及少陽諸證宜用小柴胡加
天花粉若表證盡除而口燥咽乾甚者必大便閉結
內熱之極是邪傳少陰宜急下之以救腎經將絕之
水豈可不分表裏而混治哉

發狂

子厚曰發狂固爲陽證然亦有陰極似
陽者須察脈來有力無力此爲良法

夫熱傳裏則爲陽盛陽主動動則使人發狂寒主陰
靜豈有發狂之理然發狂有三證熱邪傳裏名曰正
狂其證小便不利大便閉結口燥大渴宜大承氣湯
下之若狂而下利赤黃口渴者黃連解毒加大黃葶

麝以治之。經曰：暴注下迫，皆屬於火。又有內熱迫極，畜熱下焦，名曰如狂，非如正狂之甚。其證小便自利，大便黑色，唇口焦，水不嚥，小腹硬滿，宜用桃仁承氣之類。又有表證服藥不能汗，醫用火逼周身取汗，過急致津液內竭而驚狂者，名曰火邪驚狂，此證屬虛，不可下。其證必汗出不止，小便必澀，或身瞤動而心煩躁，宜用柴胡龍骨牡蠣以收之。總之發狂實者煩躁不已，虛者真陽脫亡，則汗出不止，當量其虛實以解之。此治狂之大法也。